


Tulun-an 10

ANG DIOS MAGATUYTOY SA IMO

Tun-i ini nahanungod sa Dios.

Gintawag sang Dios si Abram sa pagsunod sa Iya.
Gintuytoyang kag ginpakamaayo sang Dios
yadtong nagsunod sa Iya.
Ang Dios nagatuytoy sa imo paagi
sa Iya Libro-ang Biblia



Basaha ini sa Biblia
Basaha sing mabaskog sing 5 ka bases

Pagkatapus sang kamatayon sang Amay ni Abram, ang Dios nagsiling sa iya....
"magkadto ka sa duta nga akon ginatuytoy sa imo. Kon maglakat ka himuon ko ikaw nga amay sang isa ka dako nga pungsod.... pakamaayohon ko ikaw... kag ikaw mangin pagpakamaayo...
Genesis 12:1, 2.

Mabuhat mo bala ini?

Linyahi ang husto nga sabat

1. Sin-o ang ginsaaran sang Dios nga pakamaayohon?

Abram Nimrod Cain

2. Mangin amay si Abram sang ano?

Diutay nga tribo Daku nga pungsod isa ka panimalay

3. Ano ang ginagamit sang Dios sa pagtuytoy sa imo?

Mga bituon Biblia

Mga Sabat

1. Abram

2. Dako nga pungsod

3. Biblia

Mga tinaga nga tun-an mo

Ur ang siudad nga ginpuy-an ni Abram

Ang Canaan amo ang duog nga gindalhan sang Dios kay Abram.



Gintawag sang Dios si Abram sa pagsunod sa Iya.
Linhayi ang tanan nga mga tinaga halin sa •tubto•

Ang iban nga panimalay nga naghalin sa Babel nagbuhat sang siudad sang Ur. Si Abram natawo sa Ur. Ang amay ni Abram nagapangamuyo sa madamo nga dios-diosan. Ang mga tawo ni Abraham nangamuyo sa dios-diosan mga indi makakita ukon makabati. Indi nila kilala ang matuod nga Dios. •Wala sila sing Biblia sa pagsugid sa ila nahanungod sa isa ka matuod nga Dios.•

Si Abram wala makakilala sang matuod nga Dios.
Apang kilala sang Dios si Abram kag ginahigugma Niya.
Gintawag sang Dios si Abram kag ginsilingan, “bayai ang imong puluy-an kag pungsod. Bayai ang dios sang imo amay.
Sunda ako sa duta nga ipakita ko sa imo.



Ang Dios nagatuytuy kag nagapakamaayo sadtong mga nagasunod sa Iya. Ang Dios nagsaad kay Abram kon sundon mo ako pakamaayohon ko ikaw kag pagapabantogon. Himuon ko ikaw nga amay sang daku nga pungsod. Pakamaayohon ko ikaw kag himoon nga pagpakamaayo.

Nahibaloan ni Abram nga ang matuod nga Dios nagtawag sa iya. Nagtuo si Abram sa ginsiling sang Dios sa iya. Si Sarai, asawa ni Abram nagtoo man sa panaad sang Dios. Si Abram kag si Sarai naghalin sa siudad sang Ur. Ginbilin nila ang dios-dios nga ginhimo sang mga tawo. Nagsunod sila sa isa ka matuod nga Dios.



Si Abram kag ang Dios maayo nga mag-abyan. Si Abram naghambal sa Dios. Ang Dios naghambal kay Abram. Ang Dios nag-upod kay Abram kag ginpakita sa iya ang dalan. Gindala sang Dios si Abram sa duta sang Canaan.

Kon diin man si Abram kag si Sarai nagapuyo nagabuhat sila sang halaran. Naghatag sia sang mga dulot sa Dios katulad sang ginbuhat ni Abel, Enok, kag Noe. Si Abram nangin pagpakamaayo ukon bulig sa iban nga tawo. Ginsugiran niya sila sang matuod kag buhi nga Dios.





Sa tanan nga tion ginabuhat sang
 Dios ang Iya ginpanaad nga buhaton.
 Ginpakamaayo si Abram sang Dios kag
 ginpamanggaranon. Nagtigulang si Abram apang
 wala sia mag-anak. Apang
 sia nagtuo pa gihapon sa panaad sang Dios.
 Ang Dios nalipay tungod si Abram nagtuo sa Iya.

Ginbaylohan sang Dios ang ngalan ni Abram
 sang Abraham. Ang Abraham nagakahulogan
 "Amay sang madamo." Ginbaylohan sang Dios
 ang ngalan ni Sarai sang Sarah. Ang Sarah nagakahulogan
 "iloy sang mga prinsipse."

Ginhatagan sang Dios si Abraham kag si
 Sarah sang anak nga lalaki nga
 ginhingalanan kay Isaac. Sa iya naggikan
 ang isa ka daku nga pungsod.

Ang Dios nagatuytoy sa imo paagi sa Iya libro - ang Biblia.

Sa Biblia ang Dios nagatawag sa imo sa
 pagsunod sa Iya. Sia nagasaad sa pagtuytoy
 kag pagpakamaayo sa imo. Sia nagasiling
 kon ano ang imo buhaton. Sunda
 ang Dios kag tuytoyon ka Niya pa
 langit. Ano man ang imo pagatalikuran, sunda
 ang Dios, katulad ni Abraham. Buligan
 ka sang Dios kag tudluan ka sang
 imo buhaton.

Pangamuyo:

Si Abraham nagbiya sang iya pungsod
 kag mga abyan kag ginsunod Ka
 niya sa bug-os nga kabuhi. Pasunda man ako.
 Palakta ako malapit sa imo agud
 Mapahamuot ka sa tanan ko nga pagginawi.



Karon sulati ang imo Rekord sang Estudyante sa Leksyon 10.

INTERNATIONAL CORRESPONDENCE INSTITUTE
 PHILIPPINE NATIONAL OFFICE — P. O. BOX 1084, MANILA


ANG DIOS MAGATUYTOY SA IMO

KALINGAWAN PARA SA IMO

Magpanglakatan kaupod ni Abram

Si Abram magapanglakaton sing malayo. Butangi sang ngalan ang mga duog nga gina-agnan sang iya dalan sabat sa mga pamangkot sa magkapareho nga numero. Kon nalimtan mo ang sabat, pangita-a sa tulong-an 10.

1. Diin nagpuyo si Abram?
2. Sin-o ang nagtawag kay Abram?
3. Ano ang ginbuhat ni Abram?
4. Ano ang ginhingalan ni Abram kag Sarai sa ila anak nga lalaki?
5. Ano ang duog nga gintugyan sang Dios kay Abram?



Natun-an mo ang madamo nga mga tawo nga naghigugma kag nagpahamuot sa Dios. Isulat ang tatlo nga gusto mo mangin katulad ka.

Sa ano nga paagi gusto mo mangin katulad nila?

Linyahi gikan sa tagsa ka ngalan pakadto sa husto nga mga tinaga.

- | | | |
|---------------|-----|--|
| 1. Ur | • • | Nagakahulugan “Amay sang madamo” |
| 2. Abraham | • • | Asawa ni Abraham |
| 3. Sarah | • • | Anak nga lalaki
ni Abraham |
| 4. Isaac | • • | Ang siudad nga ginpuy-an
ni Abraham |
| 5. Ang Biblia | • • | Amo ang pulong sang Dios |

Kolore ang kahon sa idalom sang husto nga sabat.

6. Ang tanan bala nga tawo nagahiguma sa matuod nga Dios?
7. Si Abraham bala ang nagbaylo sang iya ngalan?
8. Nagtuo bala si Abraham sa mga saad sang Dios?
9. Pakamaayohon bala sang Dios ang nagatuo sa Iya?
10. Nagatuo ka bala sa ginasing sang Dios sa Biblia?

Huo	Indi

Mga pamangkot, tugda, palangamuyoan.

.....

.....

.....

Tan-awa ang mga pahina sang leksyon 7, 8, 9 kag 10. Ipadala sa ICI — Philippine National Office — P.O. Box 1084, Manila.

Ginbuhat mo bala ang tanan sa sini nga tulun-an?

Isulat sing maathag ang imo ngalan

Grado

Ang imo eksamin pagagradohan kag ibalik sa imo upod sang masu-
nod nga mga tulun-an. Malipay kami kon magsulat ka sa amon.
Mamangkot ka kon may mga butang nga bout mo mahibaloan sam-
tang nagatuon sini nga kurso. Ipadala sa ICI—Philippine National
Office—P.O. Box 1084, Manila.